

Ilmiy Kengashning 9-sonli yig'ilishi muvaqqiyatlarga boy bo'ldi

O'zbekiston davlat san'at va madaniyat instituti Ilmiy Kengashining 9-sonli yig'ilishi bo'lib o'tdi. Unda oliygoh rahbariyati, kengash a'zolari, dekan va uning o'rinbosarlari, kafedra mudirlari, bo'lim boshliqlari va boshqalar ishtirok etdi.

Dastlab ilmiy darajalarga erishgan hamda turli ijodiy ishlarda o'zini ko'rsatgan professor-o'qituvchilar va talabalar mukofotlandi.

Jumladan, ovoz rejissyorligi va operatorlik mahorati kafedراسи mudiri Iqbol Meliqo'ziyevga professor, axborot texnologiyalari kafedراسи o'qituvchisi Sahobiddin Xuboyderdiyevga esa dotsent ilmiy unvoni topshirildi.

«Iqbol Meliqo'ziyev so'nggi yillarda o'z sohasi bo'yicha professor bo'lgan kam sonli mutaxassislardan biri hisoblanadi. Muhimi, bu xodimimiz bunday yutuqlarga o'z mehnati bilan erishdi. O'ylaymanki, professorimiz kino sohadagi muammolarni bartaraf etishda o'z hissasini qo'shadi», – dedi institut rektori v.b. Eldor Shermanov.

«Ushbu yangilikni eshitganimdagi hayajon hozirga qadar to'xtagani yo'q. Bu yutuq o'zimizniki emas, hammamizniki. Zero, amalga oshirilgan ishlarimning har bir so'zi, har nuqtasida barchangizning hissangiz bor», – dedi professor Iqbol Meliqo'ziyev.

Bundan tashqari, O'zbekiston xalq shoiri Muhammad Yusuf hayoti va ijodini abadiylashtirishga katta hissa qo'shgan professor-o'qituvchilar – Hamdam Ismoilov, Ma'rufjon Yo'ldoshev, Iqbol


Meliqo'ziyev, Doston Hojimatov, Sevara Mahmudova, Gulxumor Jamoliddinova hamda oliygohning iqtidorli talabalari "Muhammad Yusuf" ko'krak nishoni bilan taqdrilandi.

Yig'ilish davomida O'zbekiston Respublikasi Prezidentining Farmonlari, Farmoyishlari va topshiriqlari, O'zbekiston Respublikasi Vazirlar Mahkamasining qarorlari va bayoni, Vazirliklarning buyruqlari va topshiriqlarining bajarilishi to'g'risida Jismoniy va yuridik shaxslarning murojaatlari bilan ishlash, ichki nazorat va monitoring bo'limi boshlig'i axboroti eshitildi.

Qolaversa, magistratura mutaxassisliklarida ta'lim olayotgan bitiruvchi magistrantlarning magistrlik dissertatsiyalari dastlabki himoyasi, institut Yoshlar ittifoqining faoliyati va uni yanada takomillashtirish bo'yicha olib borilayotgan ishlar, talabalarni Respublikada o'tkaziladigan fan olimpiadalari, tanlovlar, ko'rik-tanlovlar va ko'rgazmalarga jalb qilish to'g'risida hisobotlar tinglandi.

Kengash yakunida belgilangan vazifalar bo'yicha mas'ul xodimlarga topshiriqlar berildi.













O'zDSMIda Dilmurod Islomovning 70 yilligi nishonlandi

O'zbekiston davlat san'at va madaniyat instituti o'quv teatrida O'zbekistonda xizmat ko'rsatgan artist, cholg'u ijrochiligi va musiqa nazariyasi kafedrasida professori Dilmurod Islomovning 70 yillik yubileyiga bag'ishlangan ijodiy konsert hamda «Zarb-2024» Respublikasi doirachilar ko'rik-tanlovi g'oliblarini taqdirlash marosimi bo'lib o'tdi.

Tadbirni institut rektori v.b. Eldor Shermanov ochib berib, ustoz san'atkorning fidoyiligi, ijodkorligi tahsinga sazovor ekanligini aytdi va o'zining samimiy tilaklarini bildirdi.

Ijodiy kechada xalq xofizlari, xalq artistlari va elimiz suygan xonandalar o'z chiqishlari bilan tomoshabinlar olqishiga sazovor bo'ldi.

Shuningdek, «Zarb-2024» Respublika doirachilar ko'rik-

tanlovining g'olib va sovrindorlari diplom va esdalik sovg'alari bilan taqdirlandi.







0‘zbekiston xalq shoiri Muhammad Yusuf tavalludining 70 yilligiga bag‘ishlangan ilmiy-amaliy anjuman o‘tkazildi

0‘zbekiston davlat san‘at va madaniyat institutida 0‘zbekiston xalq shoiri Muhammad Yusuf tavalludining 70 yilligiga bag‘ishlangan «Erkli elning erka shoiri» mavzusidagi ilmiy-amaliy anjuman o‘tkazildi.

Unda soha vakillari, taniqli professor-o‘qituvchilar va olimlar, bilan bir qatorda Madaniyat vaziri Ozodbek Nazarbekov, shoir Muhammad Yusufning umr yo‘ldoshi Nazira-as Salom hamda xorijlik mutaxassislar ishtirok etdi.

Anjuman Muhammad Yusuf ijodi adabiyotshunoslik ko‘zglasida, Muhammad Yusuf she‘riyatining lingvopoetik xususiyatlari, Muhammad Yusuf ijodi va o‘zbek qo‘shiqchilik san‘ati, Muhammad Yusuf ijodi va teatr san‘ati deb nomlangan sho‘balarda o‘z ishini olib boradi.

Tadbirni oliygoh rektori v.b. Eldor Shermanov kirish so‘zi bilan ochib berdi:


«Bugungi kunda mamlakatimizda deyarli barcha sohada ulkan islohotlar amalga oshirilmoqda. Birgina madaniyat va san‘at sohasida 150 dan ortiq qaror, farmon va farmoyishlar qabul qilindi. Bu ham yurtboshimizning alohida e‘tiboridan darak beradi. So‘nggi yillarda institutimizda xalqimizning sevimli shoiri Muhammad Yusuf hayoti va ijodi keng ko‘lamda targ‘ib

etib borilmoqda. Xususan, shoir haqida film suratga olindi, spektakl sahnalashtirildi. asarlari xorijiy tillarga tarjima qilindi. Bugungi anjuman ham mazkur ishlarning davomi desak, mubolag'a bo'lmaydi. Anjuman misralari samimiylik va xalchillikka yo'g'rilgan shoir ijodini yanada keng targ'ib etishga xizmat qiladi deb o'ylayman».

Madaniyat vaziri Ozodbek Nazarbekov ham anjuman ishtirokchilariga tabrik so'zi yo'lladi:

«Nazarimda, Muhammad Yusuf u bilan bog'liq har qanday sananing xalqimiz tomonidan o'z ixtiyori bilan bayram kabi nishonlanadigan yagona shoir hisoblanadi. O'zbek adabiyotida buyuk shoir tavvalud topgan ushbu sana she'riyatga oshufta xalqimiz uchun unutilmas kun sanaladi. Bugungi anjuman ishtirokchilariga muvaffaqiyat tilayman».

Anjuman doirasida shoirning hayoti va ijodini abadiylashtirishga katta hissa qo'shgan olimlar, san'atkorlar va jamoatchilik vakillari "Muhammad Yusuf" ko'krak nishoni bilan taqdirlandi.
















0‘zDSMI rektori xalqaro konferensiyada nutq so‘zladi

0‘zbekiston davlat san‘at va madaniyat instituti rektori v.b. Eldor Shermanov Tatariston Respublikasi poytaxti Qozon shahrida o‘tkazilgan «An‘anaviy madaniyat va xalq amaliy san‘atining ko‘p qirrali olami» mavzusidagi xalqaro konferensiyada onlayn tarzda ishtirok etib, nutq so‘zladi.

«0‘zbekiston davlat san‘at va madaniyat instituti va Qozon davlat madaniyat instituti o‘rtasida do‘stona va iliq munosabatlar o‘rnatilgan. So‘nggi yillarda ikki oliygoh o‘rtasida festivallarda qatnashish, malaka oshirish, stajirovka o‘tash kabi jarayonlar jadallashdi. So‘zlarimning

isboti o'laroq, bugungi kunda bir qancha O'zbekiston davlat san'at va madaniyat instituti talabalari Qozon davlat madaniyat institutida tahsil olmoqda. Mazkur konferensiya mavzusi dolzarb hisoblanib, sohadagi mavjud muammolarga yechim bo'lib xizmat qilishiga va uning rivojiga hissa qo'shishiga ishonaman», – dedi rektor v.b. Eldor Shermanov.

Konferensiyada Rossiya va xorijlik mutaxassislar bilan bir qatorda, oliygohimiz professor-o'qituvchilari ham o'z ma'ruzalari bilan ishtirok etdi.



Muhammad Yusuf nomidagi stipendiyaga nomzod talabalar bilan suhbat o'tkazildi

O'zbekiston davlat san'at va madaniyat instituti rahbariyati tashabbusi bilan oliygohning iqtidorli va ijodkor talabalari uchun O'zbekiston xalq shoiri Muhammad Yusuf nomidagi maxsus stipendiya tanlovi e'lon qilingandi.

Fakultet ilmiy kengashiga belgilangan muddatga qadar hujjat topshirgan talabalar uchun imtihon jarayoni tashkil etildi. Stipendiyaga nomzodlar test sinovlaridan hamda maxsus komissiya suhbatidan o'tdi.

G'oliblar tez kunda institutning ijtimoiy tarmoqdagi sahifalari orqali e'lon qilinadi.

Eslatib o'tamiz, stipendiya kvotasi institutdagi har bir fakultet bo'yicha bittadan alohida-alohida ajratiladi.





Arktika madaniyat instituti bilan hamkorlik aloqalari yo'lga qo'yiladi


O'zbekiston davlat san'at va madaniyat instituti rektori v.b. Eldor Shermanov Rossiya Arktika madaniyat instituti birinchi prorektori Stanislav Ivanov bilan uchrashdi.

Suhbat davomida kelgusida hamkorlik aloqalarini yo'lga qo'yish va shu asosida bir qator loyihalarni amalga oshirish masalalari muhokama qilindi.

Jumladan, rus oliygohi tomonidan ishlab chiqilgan «Madaniy kod» strategiyasidagi vazifalarni birgalikda ijrosini ta'minlash, loyihani O'zDSMIda tatbiq etish borasida fikr almashildi.

«Madaniy kod» sohani raqamlashtirish va barqarorlashtirishga qaratilgan dastur hisoblanib, dizayn, musiqa, teatr, kino, madaniyat va moda san'atini rivojlantirish va tizimlashtirishga xizmat qiladi.

Uchrashuv so'ngida ikki mamlakat oliygohlari rahbarlari yana bir qator qo'shma dasturlarni o'z ichiga olgan hamkorlik memorandumini imzolash borasida kelishuvga erishdi.







Taniqli kinorejissor va ssenariynavis Umid Hamdamov bilan ijodiy uchrashuv o'tkazildi

O'zbekiston davlat san'at va madaniyat institutida taniqli kinorejissor va ssenariynavis Umid Hamdamov ishtirokida ijodiy uchrashuv o'tkazildi.

Ochiq davra suhbatida kinomutaxassis sohaga oid bilim va ko'nikmalarini oliygoh talabalari bilan o'rtoqlashdi.

Shu bilan birga, yosh yigit-qizlar o'zlarini qiziqtirgan savollar yuzasidan foydali ma'lumotlarga ega bo'lishdi.

Ma'lumot uchun, Umid Hamdamov O'zbekiston davlat san'at va madaniyat institutida tahsil olgan hamda ommaviy tadbirlar postanovkachisi va teatrda aktyor sifatida faoliyat olib borgan.

Ijodkor «Onaginam orzusi», «Shunqorlar», «Issiq non» kabi filmlarning ssenariy muallifi va postanovkachi rejissyori, «Rangsiz tushlar» filmining esa ssenariy muallifi hisoblanadi.





«Madaniyat va ma'rifat» telekanali bilan hamkorlik shartnomasi imzolandi

O'zbekiston davlat san'at va madaniyat instituti hamda «Madaniyat va ma'rifat» telekanali rahbariyati hamkorlik masalalari borasida shartnoma imzoladi. Hamkorlik asosida turli loyihalarni amalga oshirish borasida kelishuvga erishildi.

Shartnomaga asosan, institut faoliyatida yuz berayotgan voqea-hodisalar, konsert dasturlar, tadbirlar hamda boshqa yangiliklarni telekanal orqali yoritib borish ko'zda tutilgan.

Shuningdek, telekanalda efirga uzatiladigan turli nomdagi ko'rsatuvlarda institut professor-o'qituvchilari va talabalarining ishtiroki ta'minlanishi belgilab olindi.

Qolaversa, oliygohdagi ijodiy dars jarayonlari hamda talabalar tomonidan suratga olinadigan ijtimoiy videoroliklar asosida yangi ko'rsatuvlar tashkil etiladigan bo'ldi.

